

東門顏六一鄉皆稱為善人善人云年六十無子隣有范醫官者君子人也嘗遭疾就醫杭州倅至自家問以鄉里事倅曰對門顏六死矣范公大駭乃詬詈倅以為誑言倅曰僕來時聞其家有哭聲其族人洶洶東西走為覓成木非死而何范公曰此人善人且未有子可死之耶既死當復甦倅竊笑之數日范公疾已歸至湖州舟逢鄉人問曰顏六無恙否鄉人曰某日既死矣其家沐浴就殯撫其胸微溫聞其口鼻中斯斯有聲輒以湯灌之漸甦今能食糜矣范公乃自神其見遂造顏六唁之曰

丈夫勿憂天必不絕爾也後果生一子六歲年六十而終予得之范藻軒先生云醫官先生之父也此事與予料黃臻事頗相類故併記之以見天道之可恃如此云

同年廖梅南

名梯
蕭人

為南京戶部正郎以前官註誤謫

知吾州其事甚寃及蒞任絕口不言謫事清操凜然秋毫無取絕無境外之交凡百禮數一切減省衙內日逐鹽醬蔬腐之類悉自買辦里役公用之費比昔減十倍不止憂民之憂真若惻癯乃身員下柴薪或以貧乏告輒蠲之聽訟平心易氣必使